

অজেন্দুসহস্রা

নাট্যগীতি ।

মহাকবি কালিদাসের রঘুবংশ অবলম্বনে
বিরচিত ।

“তিতৌ যুৎসুরং মোহাহুতুপেনাস্মি সাগরম্ !”

কলিকাতা

৯৭ নং কলেজ ষ্ট্রীট, বেঙ্গল মেডিক্যাল লাইব্রেরী হইতে

শ্রী গুরুদাস চট্টোপাধ্যায় কর্তৃক

প্রকাশিত ।

বীণায়ত্র

৩৭ নং মেছুয়াবাজার ষ্ট্রীট—ঠান্ঠনিয়া—কলিকাতা ।

শ্রীশরচ্চন্দ্র দেব কর্তৃক মুদ্রিত ।

উৎসর্গ ।

সুহৃৎপ্রধান

পণ্ডিতপ্রবর শ্রীযুক্ত রজনীকান্ত গুপ্ত

মহোদয়-কর-কমলে

আন্তরিক প্রীতি ও শ্রদ্ধার নিদর্শন স্বরূপ

এই পুস্তক

সমর্পণ

করিলাম ।

বিদায় ।

জীবন-কোরক নাই হ'তে প্রক্ষুটিত,
কুটিল কীটক তাহে করিল প্রবেশ,
কত রত্ন করি, সহি কত রূপ ক্লেশ,
কিন্তু ভগ্নদেহ পুনঃ হলো না গঠিত ।
ভ্যজেছি জীবন-আশা — আর কতকাল !
কতকাল আশাবন্ধ থাকে অবিচল,
নিভিল জীবন-দীপ করি আজ কাল,
অকালে কালের স্রোতে মিলিল এ জন ;
যাই এবে, ভ্রমভূমি ! ব্যাধির জঞ্জাল
করিয়াছে এ জীবন চুঃখের কেবল,
কত রত্ন গেল, — আমি কি ছার অধম,
কি আক্ষেপ তবে, কেন বারে আঁখি জল ?
ইহাট প্রথম মম, ইহাই চরম,
ইচ্ছাময় ! তব ইচ্ছা হউক সফল !

মঙ্গলাচরণ ।

(মৃচ্ছ বাদ্যের সহিত পটোত্তোলন)

পরীদিগের নৃত্য ও গান ।

কেদারা—একতাল ।

বাজারে মুকুট, নারীক মধুর,
কোমল মন্দিরা, বীণা, সপ্তস্বরী,
মুছল সেতারে বাঁধরে সুর ।
মধুর খঞ্জরী, মোহন বাঁশরী,
আজিরে সুখেতে বাজা ধীরি ধীনি
আনন্দে আকুল অমরাপুর ।
এস চিত্ররথ গন্ধর্ক-ঈশ্বর,
সঙ্কতে নতোক অপনরা কিন্নর,
গুণী বিশ্বাবসু, ধীর হাহা তত,
অমিয় কণ্ঠের ধারা মুহুমুত,
ঢালিয়ে বিবাদ, কররে দূর ।
উর্ধ্বনী, দ্বতাচী, মিশ্রকেশী, শচী,
কুমুম সস্তারে স্তম্ভা বিরচি,
রতি, তিলোত্তমা, এস নাচি নাচি,
অলঙ্ক চরণে পরি নৃপুর ।
অমর-কল্যাণে, দেবেন্দ্র-ভবনে,
ভারতী অচ্চনা আজি শুভ দিনে,
জ্ঞানন্দে উথলে অমর্যুপুব ।

আজের শ্রীমতী ।

৫

প্রথম অঙ্ক ।

প্রথম দৃশ্য ।

নন্দদাতটপ্প শিবির ।

অজের প্রবেশ ।

অজ ।—(পদচারণ করিতে করিতে)
অহো ! এ বিজন ভূমি করি নিরীক্ষণ,
এতক্ষণ মনকোভ ছিলাম পানরি,
কিন্তু হায়, কুহেলিকা থাকে কতক্ষণ,
আবার উদিল রবি, ভানিল জগৎ,
মোহ-ভগ হলো দুরীভূত, লুপ্ত-স্মৃতি
হইল উজ্জ্বল, ভগ্ন-চড় মন্দিরের
বিনয় মূরতি, আবার আকাশ-পটে
হইল চিত্রিত—

তুলাশার দান হয়ে

ঠেকেছি কি দায়, আশার মোহিনী বাণী

বড় কষ্টকর, আশার ছলনা ই'তে,
 নিরাশার স্পষ্ট কথা শ্রেষ্ঠ শতগুণে,
 কিম্বা, আমি কেন রূথা ভাবি অমঙ্গল,
 ইচ্ছা করি, আশা-বন্ধ ভাঙ্গে মূঢ় জন,
 ভীকু জন মৃত্যুভয়ে মরে শতবার ।

(সহসা ব্যস্তভাবে)

এ কি এ আবার ! এই ঘোর কোলাহল
 এতক্ষণ পশেনি শ্রবণে !

অয়ে ! কোন

বিপক্ষ কি আক্রমণ করিল শিবির ?

(ব্যস্তভাবে প্রহরীর প্রবেশ)

প্রহরী ।—

যুবরাজ ! এক ভীমকায় বন্য গজ
 আনি, পাঞ্চিভাগ করিছে পীড়ন, ভয়ে
 ছিন্ন ভিন্ন হলো সৈন্যগণ, হয়, হস্তী
 উদ্ধ্বাসে করিছে পয়ান ; ত্বর প্রভু
 করুন উপায় ।

অজ ।—(উচ্চৈঃস্বরে)

সৈন্যগণ ! ভয় নাই,

এই দণ্ডে বন্য গজে করিব সংহার ।

অজেন্দুমতী ।

৩

(দ্রুতপদে নেপথ্য পানে ধাবিত ও মহান কোলাহল)

(আকাশে দিব্যপুরুষের উদয় ও অজের পুনঃ প্রবেশ ।)

অজ ।—

কে হে তুমি ! তোমারে চিনি না জ্ঞানময় !
কি কারণে, এই সামান্য মানবে আজি
করিতে বঞ্চন মাতঙ্গম রূপে দেব !
ধরাতে উদয় ? এ প্রপঞ্চ, অকিঞ্চনে
পারে না বুদ্ধিতে ;

দয়া করি কহ দাসে,

প্রভু, সেই ত্রিদেবেন্দ্র দেবেন্দ্র কি তুমি ?
ঋাহার মায়ায়, পূর্কপিতামহগণ,
রহিলেন ভস্মীভূত যুগযুগান্তর ;
ঋাহার কৌশলে, ব্যর্থ হলো পিতার সে
অসামান্য সমর-কৌশল ; সেই রূপ,
আনিলে কি ছলিতে এ জনে ? অথবা কি
তুমি সেই বিশ্বপতি দেব জনাৰ্দ্দিন ?
পূর্কে যবে জলমগ্ন হইল ধরণী,
পৃষ্ঠদেশে তারে তুমি করিলে বহন ;
পুনঃ রসাতলে গেলে বসুন্ধরা, তুমি
ভীষণ বরাহমূৰ্ত্তি ধরি, দন্তপুটে
ধরিত্রীরে করিলে ধারণ ; আবার কি
মাতঙ্গমরূপে আনিলে, হে জগদীশ !

অজেন্দুমতী ।

জগতের সাধিতে মঙ্গল ? তব লীলা
লীলাময়, কে পারে বুঝিতে !

কিন্মা তুমি

যেই জন হও, অকিঞ্চনে দয়া করি,

অস্ত্রাঘাত-অপরাধ করহ মার্জন,

রঘুসুত অজ, আজি এই ভিক্ষা চায় ।

দিব্যপুরুষ ।—

নহি আমি হে নরেন্দ্র ! দেবেন্দ্র বাগব,

নহি আমি রমাপতি, নহি মৃত্যুঞ্জয়,

কুবের, আদিত্য আদি অনল, পবন,

কোন জন বলি মোরে ক'রনা সংশয় ;

চিত্ররথ নামে খ্যাত গন্ধর্ক-ঈশ্বর,

জান তুমি, আমি নখে, তাঁহারি অঙ্গজ,

নাগ প্রিয়স্বদ ; মহাঋষি মতঙ্গের

অভিশাপে মাতঙ্গ আকারে চিরদিন

কান্ননেতে করিতেছি বাস ; কিন্তু ওহে

জীবন-সুহৃদ ! আজি, তব অস্ত্রাঘাতে,

শাপ-মুক্ত হইয়াছি আমি, পাইয়াছি

পুনর্কার গন্ধর্ক আকার ; কিন্তু এর

প্রতিদান কি দিব তোমায় ? জান তুমি,

দেবযোনি মুখ হ'তে, অনৃত বচন

কভু হয় না বাহির ; আশীর্বাদ করি

অজেন্দুমতী ।

৫

মনোবাঞ্ছা তব সখে, হউক সফল—
ইন্দুপ্রভা ইন্দুমতী লাভ হ'ক তব ।
যাও সখে, পথে তব ঘটুক কুশল,
গন্ধর্ব-সন্তান তোমা করে সস্তাষণ ।

প্রথম অঙ্ক ।

দ্বিতীয় দৃশ্য ।

বিদর্ভদেশ—স্বয়ম্বরসভা ।

রাজগণ আনীন ।

নেপথ্যে গীত ।

খাঘাজ—একতালা ।

আজি রে কেমন মোহন মূরতি,
একই আকাশে শশী দিন-পতি,
হয়েছে উদয়, দেখ ইন্দুগতি !

কমল-নয়নে ও রাজবালা ।

চন্দ্র-সূর্য-জ্যোতি মণি শত শত,
রত্নরাশি মাঝে বণিকের মৃত্ত,

বেছে লও আজি নিজ মনোমত,

বিনিময়ে অই কুমুম-মালা !

তাজি স্বার্থপর স্বতন্ত্র জীবন,
 ধর গো আজিকে জীবন নূতন,
 জীর্ণ-প্রাণে আর কে করে যতন,
 পরের পরাণ কাড়িয়ে লও ।

পরে কর নিজ, নিজে কর পর,
 পর-দুখ-সুখে মিলাও অন্তর,
 পরে কর নিজ পরাণ-ঈশ্বর,
 পরের লাগিয়ে শরীর বও ।

নব-রাজ্যে আজি করলো প্রবেশ,
 চির দুখ-য় সে সুখের দেশ,
 বার্কিক কিশোরে সদা সম-বেশ,
 ক্রোধ হিংসা লেশ নাহিক সেথা ।

নাহিক সে দেশে কুৎসিত কঠোর,
 নকলি সূঠাম, নকলি সুন্দর,
 সেই তাই তাই তবু মনোহর,
 গানে গানে কয় সে দেশে কথা ।

নীচ নিজ ভাব নাহিক তথায়,
 আপনা ভুলিয়ে পরপানে ধায়,
 নিজে দেয় বলি পরের পূজায়,
 সে দেশে পূজায় দেবতা পর ।

সুখে সুখে সুখে দিবস রজনী
সে সুখের দেশে হয়ে রাজরাণী,
সুখী জনে কহি সুখের কাহিনী,
সুখের সময় সুখেতে হর ।

(ইন্দুমতী ও মন্দার প্রবেশ)

মন্দা ।—

পুরোভাগে চট্টলাক্ষি ! দেখ লো চাণ্ডিয়ে,
মগধের অধীশ্বর ইনি, গভীরাজা
আশ্রিত-পালক ; আর রাজকার্য্যে
অতি বিচক্ষণ ; পরিপন্থী জনে কালান্তক
শমন সাক্ষাৎ ; তেঁই নাম পরম্পর ।
অয়ি নিতম্বিনি ! যামিনী কামিনী যথা
ভূষিলেও মনোহর তারকার হারে,
চন্দ্রিকা-আভাসে সুধু হয় দীপ্তিমতী,
সেইরূপ বসুধা যুবতী, থাকিতেও
শত শত নরপতিগণ, এঁর গুণে
খ্যাত রাজস্বতী । ত্যজিয়ে অমরাপুরী
দেব পুরন্দর, প্রবাসী সতত এঁর
যজ্ঞের আস্থানে । সেই হেতু, মন্দারের
মালা, শোভে না এখন আর, বিরহিনী
ইন্দ্রাণী কুস্তলে । এ বীরেন্দ্রে বাঁধি অই
কুমুম-শৃঙ্খলে, গবাক্ষি-বিলোল-অক্ষি ।

কামিনী জনের, ঘুচাও নয়ন-সাধ,
পুষ্পপুরে প্রবেশের কালে ।

ইন্দুমতী ।—(প্রণাম ও গমন ।)

সুনন্দা ।—(অঙ্গ-রাজকে দেখাইয়া)

এই দিকে,

অঙ্গ-নাথে অপাঙ্গেতে দেখলো চাহিয়ে
ইন্দুমতি ! যার রূপে হয় উন্মাদিনী,
অনন্ত-যৌবনা যত অপ্নর-কামিনী,
যেই হরি, শক্রর কামিনী-কণ্ঠহার,
দোলাইলা তাহাদের উচ্চ কুচোপরে,
গজমতি-গম-শুভ্র অশ্রু-মুক্তাবলী ।
লক্ষ্মী, বীণাপাণি, চিরদ্রোহিনী সতিনী ;
যাঁর গুণে ত্যজি দ্রোহ, এবে প্রণয়িনী ;
রূপে গুণে অনুরূপা তুমি, ওলো ধনি !
হও লক্ষ্মী ভারতীর তৃতীয় সতিনী !

ইন্দুমতী ।—(প্রণাম ও গমন ।)

সুনন্দা ।—(অনুপরাজকে দেখাইয়া)

অনুপ দেশের পতি এই মতিমান্,
সুবিখ্যাত কার্তবীর্য-কুলের প্রদীপ,
প্রতীপ রাজন । কমলার চপলতা
মিথ্যা অপবাদ, যাঁহার আশ্রয় হেতু ;
ক্ষত্র-কুলান্তক ভীম জামদগ্ন্য রামে,

যেই পরাঙ্কিলা রণে অগ্নির সহায়ে ।
প্রাসাদে গণ্ডিত চারু মাহিষ্মতী পুরী—
নন্দনা-নিতম্বে যার মেখলা সমান—
দেখিবারে বাঞ্ছা যদি তব, প্রতীপের
অঙ্কলক্ষ্মী হও লো সুন্দরি !

ইন্দুমতী ।—(প্রণাম ও গমন ।)

সুনন্দা ।—(সুবেণ রাজকে দেখাইয়া)

সুহাসিনি !

নীপবংশ-জাত এই সুবেণ ভূপতি,
সর্দগুণ-বিভূষিত, শাস্ত, সুধানিধি-
সম ; নদা মুদু আশ্রিতের প্রতি ; আর,
শত্রুজনে প্রলয়ের প্রচণ্ড তপন ;
চন্দন-চর্চিত চারুস্তনী নিতম্বিনী
সহ, যার জলকেলী হেতু, শুভে! সেই
মধুরা-বাহিনী শ্যামাঙ্কিনী বমুনার
সুকৃষ্ণ সলিল, রঞ্জিত রক্তিম রাগে ;
তাই বলি, চৈত্ররথ সমতুল্য রম্য
রন্দাবনে, নদা এই যুবকের সনে,
কোমল কুমুম-স্নিগ্ধ পল্লব শয়নে,
নবীন-যৌবন সাধ পুরাও ললনে !

ইন্দুমতী ।—(প্রণাম ও গমন ।) ••

•সুনন্দা ।—(কলিক-রাজকে দেখাইয়া)

অঙ্গদ-মণ্ডিত-ভুজ, হেমাঙ্গদ নাম,
 কলিঙ্গের অধিপতি এই ;—মহাবীৰ্য্য,
 মহেশ্বপৰ্কত সম বিক্রমে অটল ;
 অঙ্গু-নিধি বৈতালিক সম, গান সদা
 গুণাবলী খাঁর ; রসবতি ! দুখময়
 রম্য বেলাভূমে, এই যুবকের সনে,
 মর্ম্মরিত তালীবনে, কর লো বিহার ;
 আবার সুদতি ! বসি হর্ম্ম্য বাতায়নে,
 নাগর-লহরী লীলা দেখিতে দেখিতে,
 লবঙ্গ-কুমুদ-গন্ধি মারুত-হিল্লোলে,
 বুচাও বিহার-ক্লান্তি শ্বেদ-বিন্দুলেখা ।

ইন্দুমতী ।—(প্রণাম ও গমন ।)

সুনন্দা ।—(পাণ্ডুরাজকে দেখাইয়া)

এ দিকেতে চকোরাঙ্কি ! দেখলো চাহিয়ে,
 পাণ্ড্যদেশ-অধিপেরে ; কঠেতে লম্বিত
 খাঁর মরকত মণি, হরিচন্দনেতে
 লিপ্ত নকল শরীর ; দুর্জয় রাবণ,
 খাঁর ভয়ে, হ'য়ে সশঙ্কিত, মিত্রভাব
 করিয়ে স্থাপন, চলি গেলা সুরপুরে
 ইন্দ্রের বিজয়ে ; অয়ি চন্দ্রাননি ! এই
 রাজ-শাৰ্দূলেঁরে, তুমি দান করি পানি,
 দাক্ষিণাত্য-প্রদেশের হও লো সতিনী ।

(রত্নাকর মেখলা যাহার) বিলাসিনি !
 যথায় তাম্বুলরল্লী পুগতরুবরে,
 চন্দনেরে এলালতা করে আলিঙ্গন ;
 মলয়-প্রদেশে সেই তমালের বনে,
 মনসুখে দিবানিশি কর লো রমণ ;
 ইন্দীবর-শ্যাম এই পুরুষ রতন,
 তুমি ধনি, গোরোচনা সমান গোঁরাঙ্গী ;
 অয়ি সুহাসিনি ! তাই মিলি এঁর সনে,
 দেখাও বিদ্যুত-লীলা ঘনবর-শিরে !

ইন্দুমতী ।---(প্রণাম ও গমন ।)

সুনন্দা ।---(অজকে দেখাইয়া)

অয়ি বালে ! সাধারণ নহেন এজন ;
 জন্ম এঁর ভাস্করের কুলে ; এই কুলে,
 পুরাকালে, রাজা পুরঞ্জয়, রূষরূপী
 ইন্দ্রস্কন্ধে করি আরোহণ, দৈত্যকুল
 করিলা বিজয় ; তাই হলো কাকুৎস্থ
 আখ্যাত ; মহারাজ কাকুৎস্থ অশ্বয়ে,
 জন্মেছিল দিলীপ ভূপাল, সহস্রাঙ্ক
 মনোরক্ষা হেতু, যে করিলা এক-উন
 শত অশ্বমেধ ; সতি ! বাহার শাসনে,
 কেলিস্থলী অর্দ্ধপথে নৃপ্তা নর্তকীর
 বন্ধের বসন, বায়ুদেব আপনি ও

ভীত, ভ্রমে করিতে কল্পিত ; কোন প্রাণে
 পরধনে প্রনারিবে হাত চোর ? তাঁর
 পুত্র ইন্দ্রজয়ী রঘু মহারাজ ; কীত্তি
 তাঁর কে পারে বলিতে ? বিশ্বজিত যজ্ঞ
 পূর্ণ করি, অদরিদ্রা করিলা পৃথিবী ;
 যুবরাজ অজ, শুভে !, তাঁহারি অঙ্গজ ;
 রূপে গুণে পিতৃ অনুরূপ, দীপ হ'তে
 প্রজ্বলিত দীপাস্তুর যথা উদ্দীপিত ;
 অনঙ্গ-নিন্দিত অঙ্গনা-মোহন কাঙ্ক্ষি ;
 নবীন বয়স, আর বিনয়াদি গুণে,
 সর্ব অংশে তব অনুরূপ ; তেঁই য়নি,
 এ নবীন জনে তুমি হও লো সদয় ;
 মণিতে কাঞ্চন-কাঙ্ক্ষি কর সংঘটন ।

(ইন্দুমতীকে আনন্ডা দেখিয়া)

সুনন্দা ।--(সহাস্যে)

মিছা মিছি কি ফল দাঁড়ায়ে তবে আর ?
 অন্য ভূপ সস্তাষণে চল লো সুন্দরি,
 নাহি ধরে মন যদি এ জনের প্রতি ।

ইন্দুমতী ।---(কুটিল দৃষ্টি)

সুনন্দা ।---

উচিত উচিত যদি না হ'ত ঘটন,
 কি হইত ফল তবে, বিধির আয়াজ-

সাধ্য নির্মাণ-কৌশলে ? ইন্দুমতী বড়
ভাগ্যবতী, লভিয়াছে হেন জন পূর্ব-
কর্ম ফলে ; কিম্বা কুমুদিনী, ভ্রমেও কি
খুলে আঁখি নক্ষত্র-আলোকে ? জাহ্নবী কি
নিক্কু ত্যজি ধায় ক্ষুদ্র হ্রদে ?

(রজনীগণের গান ও নৃত্য করিতে করিতে প্রবেশ)

মঙ্গল-বিভাষ—দাদরা ।

সুখের তপন সখি ! উদিল লো এতদিনে,
সুখে থাক সুখময়ি হ্রদে রাখি সুখীজনে !

বিরহ-বেদন, জেন না কখন,

প্রাণের প্রাণ সহ মিলি থাক প্রাণে প্রাণে ।

বিধির কৌশলে, ঘটেছে কপালে,

জেনেছিল বিধি কিলো মনোরথ মনে মনে ।

কুম্ভ-বন্ধনে, বাঁধিয়ে বতনে,

পর গলে গাঁথি মালা ওলো সখি সাবধানে ।

পরম আদরে, হৃদয়-পিঞ্জরে,

(পূরি,) শিখে দিও প্রেমগাথা প্রিয় শুক-

কাণে কাণে ।

দ্বিতীয় অঙ্ক ।

প্রথম দৃশ্য ।

পুষ্পাদ্যান ।

অঙ্ক ও ইন্দুমতী ।

(বমণীগণের গান ও নৃত্য করিতে করিতে প্রবেশ ।

লুম-কাঁকাঁট—দাদ্রা ।

চল নাথি, ফুলসাজে করি লো সাজন,
নাধিবে রতিরে আজি আপনি মদন ।
কুঞ্জে কুঞ্জে ঝিল্লীগণ, করে সুধা বরিষণ,
ভ্রমরা কুসুম শাখে করিছে গুঞ্জন ।
মধুর মলয়ানিলে, শিহরি কুসুম-কলি,
মুছিয়া নীহার-ধারা খুলিল বদন ।
সাজিয়ে কুসুম-সাজে, লতা-বধু তরুরাজে,
দেখ লো সঘনে আজি করে আলিঙ্গন ।
পাপিয়া কোকিলা নুরী, তুলিয়ে স্বর-লহরী,
সখিরে, আনন্দে আজি ভাসায় গগন ।
ফল ফুল পল্লবেতে, কুঞ্জ রচি মনোমতে,

চল তবে কাননেতে করি পূজা-আয়োজন ।

অঙ্ক ।—(ইন্দুমতীর প্রতি)

অয়ি প্রিয়ে ! নিতি নিতি হেরি কুঞ্জবন,
হেন মনোলোভা শোভা, দেখি না কখন,
তরু লতা যেন সাজিয়ে কুমুম সাজে,
মনের হরষে, বনদেবী বলি তোমা
করে সম্ভাষণ ; কিম্বা তব সমাগমে,
(সঞ্জীবনী-মন্ত্রবলে যেন) শুষ্ক তরু
ধরে ফুল সাজ ; সাজিল নিলীন লতা
নবীন পল্লবে ।

ইন্দুমতী ।—

কোন্ গুণে, অয়ি নাথ !

বাড়ালে দাগীর মান এত ? কিম্বা আর
গুণে কিবা কাজ ? যে রবির করে হানে
কমলিনী, ফুটে না কি সেই রবি-করে
তুচ্ছ শৈবাল-কুমুম ? সম্ভাষে সাগর,
কর্মনাশা জাহ্নবীরে সম সমাদরে ।

অঙ্ক ।—

নয়নের মণি, হৃদয়-দেবতা তুমি
গোর, এস হৃদে করিব স্থাপন ; প্রিয়ে !
মুক্তা হেতু স্তম্ভির আদর, ফণি-শিরে
থাকে মণি, খনি-গর্ভে জনমে রতন ।

ইন্দুমতী ।—

নাথ ! ক্ষম অধিনীরে, রমণী-জীবন
 দুঃখময় কেন বলে লোকে ? মূঢ় তারা,
 নাহি জানে কি যে সুখ এ মর জগতে ;
 কেমনে হৃদয়-বেগ জানাব তোমাতে ?
 অয়ি নাথ ! অন্ধে কি উষার জ্যোতি পায়
 দেখিবারে, নাথ ! সেই পোড়া বিধি, তার
 কেননা রমণী করি সৃজিল তোমাতে !

অজ ।—

তব সুখে সুখ মম, জীবনে জীবন,
 প্রাণাধিকে ! ভিন্ন সুখে নাহি প্রয়োজন ;
 তুমি যে আমার সুখী—এই সুখ মম
 উথলিয়ে উঠিতেছে সুখের সাগর !

ইন্দুমতী ।—

হইয়াছে ; আর নাথ নাহি প্রয়োজন,
 জীবন-উদ্দেশ্য মম হয়েছে সফল,
 এখন জীবন সুধু অবশিষ্ট ধন ।
 আজি যদি এ সুখের দিনে, নাথ, এই
 সুখের সাগরে ডুবি বাহিরায় প্রাণ,
 মম সম ভাগ্যবতী কেবা তবে আর ?

অজ ।—

কেমনে কহিলে হেন নিদারুণ বাণী

অয়ি সুকঠিনে ! প্রাণ দিয়ে অজের কি
এই পুরস্কার ? মন প্রাণ সঁপিলাম
যায়, হায়, সেই কোন্ দোষ পেয়ে আজি
উৎসৃষ্ট করে তাহা ত্যজিয়ে পলায় ?

ইন্দুমতী ।—

অয়ি নাথ ! কেন আজি হইলে এমন,
সুখের সাগরে ভাসি, সুখ-ভরে হয়ে
গাতোয়ারা, না বুঝিয়া অপরাধ ক'রে
থাকি যদি, বড় ভালবাস তুমি মোরে,
তেঁই আজি ক্ষম নিজ জনে ।

অজ ।—

প্রাণাধিকে !

অজের জীবন-সঞ্জীবনি ! কোন্ যুগে
নরভাগ্যে, ঘটিয়াছে নৌভাগ্য এমন ?
তেঁই আমি সতত শঙ্কিত, সুধাসহ
সুখের সাগর, পাছে উগরে গরল !!

(আকাশে বাঁধায়ন্ত্রে নারদের শিবস্তুতিগান ।)

পরজ—পটতাল ।

জয় শিব শঙ্কর,
যোগী যোগীশ্বর, ° ° .
জয় জয় জয় ত্রিপুরারে ।

ভস্ম-বিলেপিত,
 ফণি-বিমণ্ডিত,
 জয় শিঙ্গা-ডমরু-ধারে ।
 রক্ত-শেখর,
 শুভ্র কলেবর,
 জয় জয় জয় দিগম্বরে ।
 জয় রঘভলাঙ্গন,
 শস্ত্র সনাতন,
 চন্দ্রমা-চূড়ক-ধারে ।
 জয় নীললোচিত,
 ত্রিলোক-পূজিত,
 ত্রিলোক-সংহার-কারে ।
 ভুবন-পালক,
 ভুবন-নাশক,
 অখিলভুবনাধারে ॥

(ইন্দুমতীর বক্ষে মালা পতিত ও তাঁহার গোচ, তৎসঙ্গে
 অজৈর মূর্ছা । উভরকে মূর্ছিতাবস্থায় লইয়া
 সখীগণের প্রস্থান ।)

দ্বিতীয় অঙ্ক ।

দ্বিতীয় দৃশ্য ।

উদ্যানের অপর পার্শ্ব ।

ইন্দুমতীর মৃতদেহ ক্রোড়ে করিয়া অজ্ঞ এবং চতুর্দিকে
সখীগণ উপবিষ্ট ।

অজ্ঞ ।---

প্রিয়সিরে ! সত্যই কি ত্যজি অভাগারে,
চির দিন তরে আজি করিলে পয়ান ?
অথবা সংশয় কিবা তায় ? মূর্থ আমি,
ভিক্ষুর সহিবে কি মহারত্ন-লাভ ?
চণ্ডালের বেদপাঠ সয়েছে কোথায় ?
উঠ প্রিয়ে, খুল আঁখি, ঘুমিও না আর,
এই দেখ তব সেই জন, তিলমাত্র
না হেরিয়া যায়, তুমি হইতে চঞ্চল,
এবে পড়ে ভূমে তব পদতলে ।

অজ্ঞ ।---(কিয়ৎক্ষণ পরে)

হায় !

কুম্ভমালিকা যদি শরীর সঙ্কমে,
প্রিয়সিরে ! হলো তব জীবনহারিণী,
• রে বিধাত, নিদয়-হৃদয়, আজি হ'তে

তব, আর কি না হলো বিনাশসাধন !
 কিম্বা, এই বটে নিয়তির ক্রম, বুঝি
 মৃত্যুর সঙ্কমে মৃত্যু হারায় জীবন ;
 সুকোমল শিশির সঙ্কমে, নিগীলিত
 কমল-কানন ।

অজ ।—(ক্ষণ পরে)

আর, এই গালিকাই
 প্রাণহারী যদি, হায়, আমি কত যত্নে
 হৃদয়েতে রাখিতেছি এরে, তবু কেন
 না হয় মরণ ? অথবা কখন, বিষ
 হয় অমৃত সমান, অমৃত গরল
 কভু বিধির ইচ্ছায় ;

অথবা কি মম
 ভাগ্যদোষে আজি ফুলমালা তুমি, বিধি,
 করিলে অশনি ; আর, এই উচ্চতম
 তরুণির ত্যজি, আশ্রিতা-লতিকা-প্রাণ
 করিলে সংহার ?

অজ ।---

হায়, একি ভাবান্তর !

অজের সহস্র অপরাধ ক্ষমিয়াছ
 তুমি, প্রিয়ে, অস্মান বদনে ; অকস্মাৎ
 কি ভাবিয়ে আজি, বিনা দোষে সেই জনে

কর না সম্ভাব ?

অজ ।—

প্রিয়সি রে ! নিতাস্তই

তুমি, কপট-হৃদয় বলি জেনেছিলে
মোরে ; তা না হলে, চিরদিন তরে তুমি
হইলে বিদায়, কিন্তু এ জনেরে চেয়ে,
মুখ তুলি, কিছুই না করিলে জিজ্ঞেস !

অজ ।—(বক্ষে হস্ত দিয়া)

রে হত হৃদয় ! প্রিয়সীর অনুগামী
হয়েছিলি যদি, কেন রে ফিরিলি তবে,
বিনে সেই জীবন-প্রতিমা ? সহ এবে
সমুচিত প্রতিফল তার ।

অজ ।—(মুখপানে চাহিয়া)

অসি প্রিয়ে !

এখনো বিহার-ক্লাস্তি স্বেদ-বিন্দু-লেখা
তোমার এ মুখপ্রান্তে রয়েছে লঙ্ঘিত ।
কিন্তু এই মুহূর্ত্ত ভিতরে হারালে চেতনা
তুমি জনম মতন ! অহো ! ধিক এই
ক্ষণস্থায়ী শরীরী জীবনে ।

অজ ।—(কবরীর প্রতি চাহিয়া)

প্রাণাধিকে !

• কুমুম-খচিত তব সুনীল কুন্তল,

মারুত-হিল্লোল-ভরে হইলে কম্পিত,
ভাবি মনে, বুঝি তুমি পাইয়ে চেতন
আবার, জীবিতেশ্বরী ! হলে জাগরিত ।

অজ ।—(অন্যদিকে চাহিয়া)

এলায়েছে কবরীবন্ধন ; নাই সেই
মধুর বচন, চারু অধর যুগলে ;
মিশাকালে নিমীলিত পঙ্কজ মতন,
হইয়াছে প্রিয়ে, তব বদন-কমল !

অজ ।—(নিজের প্রতি)

দিবা অস্তে নিশীথিনী পায় নিশাকরে ;
নিশি শেষে চক্রবাক মিলে দয়িতারে ;
তঁই সে বিরহ-ব্যথা পারে সহিবারে !
কিন্তু, প্রিয়ে, এই জন চিরদিন তরে
তোমার বিরহ-ব্যথা সহিবে কি ক'রে ?

অজ ।

প্রবাল-রচিত চারু কোমল শয্যায়
শয়নে যে কম অঙ্গে হইত বেদন,
অহ অহ ! সে কুমার দেহ আমি কোন্
প্রাণে ধরি, ভীম চিতার অনলে আজি
করিব অর্পণ !

অজ ।—(গদগদস্বরে)

অরি প্রিয়ে, তুমি মম

প্রবোধের তরে, সঁপে গেছ কোকিলারে
 অমিয় বচন ; কলহংগিনীরে, সেই
 মদজন্তু অলস গমন ; হরিণীরে
 বিলোল ঈক্ষণ ; মলয়-বিধূত চারু
 পুষ্প লতিকারে, বিলাস-বিভ্রম ; কিন্তু
 তায় এ পরাণ মানে কি বারণ ?

অজ । (সহকারের দিকে চাহিয়া)

এই

সহকার ফলিনীরে তুমি, প্রিয়ে, দিতে
 চেয়ে বিয়ে, সেই বিবাহ-উৎসব নাহি
 করি সমাপন, উচিত কি অসময়ে
 পয়ান তোমার ?

অজ । (বকুলের মালার প্রতি)

এই তুমি মম মনে

মন কুতুহলে, সুরভি বকুল ফুলে
 গাঁথিলে মেখলা, তাহা না হইতে শেষ,
 কি ভাবি হইলে চিরনিদ্রায় মগন ?

অজ । (অশোকতরুর প্রতি)

তোমার দোহদ হেতু অশোক পাদপ,
 অচিরে করিবে যেই কুমুম উদগম,
 তব ভালবাসা সেই নবীন কুমুমে
 কেমনে করিব তব প্রেতের তর্পণ !

অজ ।

প্রিয়নি রে ! তুমি আমার অধর-শীঃ
করিয়ে আশ্বাদ, শেষে এই অশ্রুদুষ্ট
জলাঞ্জলি, কি প্রকারে করিবে রে পান ?

অজ ।

সম দুঃখ-সুখ-ভাগী নখীজন তব ;
পুত্র প্রতিপদ শশী ; আমি একমাত্র
তোমাতেই রত ; অয়ি প্রিয়ে, তবু তুমি
নাথিলে আজিকে এই দারুণ ব্যাপার !

অজ ।

প্রিয়নি রে ! ছিলে তুমি সর্বস্ব আমার,
গৃহে লক্ষ্মী, বিপদে বাস্কব, রহস্যেতে
নশ্বনখী, সঙ্গীতে সঙ্গিনী, আদরেতে
মাতৃনমা, স্নেহে সহোদরা, সেই তোমা
দুষ্ট কাল করিয়ে হরণ, আজি কি না
মম করিল হরণ ?

অজ । (গদগদস্বরে)

ধৈর্য আর নাহি

ধরে প্রাণ, রুচি নাই এ ছার সংসারে ;
সঙ্গীত-তরঙ্গে আর ডুবে না হৃদয়,
বিন হলো বসন্ত-উৎসব, শূন্য হলো
সে সুখের শয়ন-আগার !

ভাঙ্গ !—

ফুরাইল

অজের জীবন-সাধ আজি হ'তে, শেষ

হলো সুখের স্বপন, জীবনে মরণ

যদি হলো, প্রাণ কেন না হয় বাহির ? ✓

তৃতীয় অঙ্ক ।



প্রথম দৃশ্য ।

ত্রিদিবের একপার্শ্ব ।

(হরিণী আসীনা ও বিষম্বননে গান)

ভৈরবী—আড়াঠেকা ।

কেমনে হৃদয়-আলা করিব গোপন ।
বসনে কি ঢাকা কভু থাকে ছতাসন ?
অস্তুরে অনল রাশি, মুখে হাসি কাষ্ঠ হাসি,
স্বর্গের নুখেতে মোরে করে আলাতন ।
দুঃখে যেই জর জর, সুখ কি সাজিবে তার,
সে সুখ তাহার আরো অসুখ কারণ ।
সুখের নন্দনবন, হলো বিষ-দরশন,
অমরানগরী হলো বিকট শ্মশান ।
পানরিতে চাহি যারে, হৃদে সদা দেখি তারে,
তারে পানরিতে গিয়ে পানরি আপন ।

(রতির প্রবেশ)

রতি ।—

একি লো হরিণী নই, কেন তোর হলো

কিলো আজ, ভুগিয়ে মর্তের ছালা, যুগ
যুগ পরে অমরা নগরে আসি,——দুঃখ
যথা নাহি পায় স্থান, কেন লো মলিন
মুখে, সখি, একাকিনী রহিয়াছ বসি ?

হরিণী ।—(চকিত ভাবে)

হঁা লো সহ, ভাল আছ তোমরা সকলে ?

অনঙ্গের অঙ্গের কুশল ?

রতি ।—

প্রিয়সখি !

স্বর্গের কুশল চিরকাল ; কিন্তু সহ,
কেন তোর হেরি এই ভাব ? নাই সেই
চল দৃষ্টি, হাসি হাসি মুখ, চঞ্চলতা
তাজি যেন হয়েছ গম্ভীর, মনে যেন
কত চিন্তা কতই উদ্বেগ , দুঃখে যেন
রয়েছ ডুবিয়ে ; সখি, উঠ ত্বরাকরি.
পারিজাতে লুকোলুকি করিব এখনি,
অথবা তাঁদের সুধা করিব আশ্বাদ,
কিম্বা চলা, মন্দাকিনী-স্বর্ণ-সৈকতে
করিগে সলিল-কেলী অঙ্গরা সকলে ;
অথবা আকাশ পথে উঠে, দেখি গিয়ে
দেবরূপ নবীন নয়নে ; চল সহ,
নিজ হাতে বেছে দিব মনোমত জনে ।

হরিণী ।—

সাজি, সই, একি স্থালা ঘটিল আমারে,
 আগে যাহা ভাসিতেম ভাল, এবে তাহা
 হলো বিষময় ; অঙ্গর বৈভব যত,
 সব হলো দুঃখের কারণ, স্বর্গ মম
 হইল নরক ; আহা কন্ত সুখে ছিনু
 পৃথিবীতে ; মনে লয় সেই স্বর্গ, এই
 ধরাতল ।

রতি ।—(উচ্ছ্বাসে)—

বুঝিয়াছি বুঝিয়াছি সই !
 মানুষ নাগরে তোর পড়িয়াছে মনে ।
 বলি, কেন সই, মানুষে যতন, এই
 দেবরূপে উঠেনা কি মন ? চিন্তা কি লো !
 আপনি বাসবে, সখি, যদি ইচ্ছা হয়,
 এই দণ্ডে ক'রে দিই তব আজ্ঞাকারী ;
 শচী পাছে ঘটায় জঞ্জাল, এ ভাবনা
 কন যদি মনে, শশাঙ্কের অঙ্গ কিলো
 নহে সুখকর ? অথবা কলঙ্কী জনে
 না উঠিলে মন, সখি, কুমার কুমার
 চিরকাল, ভ্রুঙ্গময় ভিক্ষা করি ফিরি
 ঘরে ঘরে, তারে কেন কর না সেরক ?
 অথবা ভিক্ষুক যদি মন নাহি উঠে,

(ভিক্ষুকের সদা অনাদর) তবে তাও
বলি সখি, দেখ যদি মনে ধরে, এনে
দিই আমার সে পোড়া মদনেরে ।

হরিণী ।—

ওলো !

সুরমিকা তুমি সই অনঙ্গ-রঙ্গিণি
চিরকাল; রতি নাম যেন রনে ভরা;
দেবতা গন্ধর্ব নর নারী, নিজ হাতে
নাচাও সকলে, ভাঙ্গ গড় সকলি তো
তোমরা দুজন; তোরে বলিব কি সই,
সে কালের দেবরুচি নাছি মোর আর,
সহস্রাঙ্ক ইন্দ্রে মম নাহি প্রয়োজন;
কলঙ্কী শশাঙ্কে প্রেমতরে ওলো সই
চাহি না ভুগিতে আমি সপত্নীর ভাগ;
মড়ানন সেনানী কুমার, এক মুখী
আমি সখি, বল কেমনে হইব সুখী
তার সন্মিলনে? আর সই, তোর সেই
অঙ্গহীন অনঙ্গের সাথে, শরীরীর
কোন্ কালে হয়েছে বিলাস?

রতি ।—

তবে কিলো

সত্যই মজিলি তুই মানুষের প্রেমে?
বল সখি, কিবা নাম কি গুণ তাহার?

হরিণী ।—

কেন নাথি, মিছা আর কর বিড়ম্বনা,
 রতি আর মদনের কি আছে অজ্ঞাত ?
 বলিব কি, দিবানিশি ভাবি সেই জনে,
 প্রাণ মোর হলো ওষ্ঠাগত, ইচ্ছা করে
 এই দণ্ডে যাই চলি মরুত ভবনে,
 তোমাদের স্বর্গ-সুখে দিয়ে জলাঞ্জলি ।

রতি ।—

অজরাজে চিনি আমি, সেই, খনিগর্ভে
 জনমে রতন, তেঁই জন্ম পৃথিবীতে
 তাঁর ; নাথি ! তুমি আমি অপ্সরা কি ছার,
 শচী লক্ষ্মী আদি করি আদরিতে তাঁয় ;
 হেন জনে কেন না মজিবে মনপ্রাণ ?
 ওলো সেই, নাহি জানি তোরে হারা হয়ে
 প্রিয়সখা কি প্রকারে আছেন এখন !

হরিণী ।—

মাথা খাও তাই আর বলো না সজনি !
 সে কথা হইলে মনে, আমি আপনাকে
 পাসরি আপনি, জ্ঞান বুদ্ধি লজ্জা ভয়
 সকলি হারাই ; সজিনীরা কত যে কি
 করে উপহাস, মৃত্যু নাই, তেঁই বাঁচে
 প্রাণ ।

(হস্তদ্বারা মুখ আবরণ)

রতি ।—

ক্ষান্ত হও করোনা রোদন, আজি
 তোর কালা দেখি সহি বড়, কালা পায়,
 সুখী জন পর দুঃখ বুকিতে কি পারে ?
 এ যাতনা আমি সহি জানি ভাল রূপ ।
 তুমি হয়ো না ব্যাকুল, দেখ, দেব চক্রে
 সেই জনে আনি সুর-পুরে, সমর্পিব
 ফাণীয়ে হারাণ রতন ।

হবিণী ।—

ওলো সহি,

দুখা কেন আশা দিয়ে চল এ জনেরে ?
 মরার উপর খাঁড়া সহি না আমার !

রতি ।—

রতির ক্ষমতা, সখি, জাননা কি তুমি,
 তবে কেন বহিছ এমন ? একেই ত
 জ্ঞানহারা হয়েছে সে জন, তায়, আমি
 গিয়ে আরো, অনলেতে বুটিব পসন ।
 আর তুমি, সহি, নিশিশেষে গিয়ে, নিত্য,
 স্বপ্নাবেশে তার সনে করিও বিলাস ।

হরিণী ।—

অনঙ্গ রঙ্গিণী তুই, সহি, তেঁই তোর
 হেন অভিলাষ ।

রতি ।—

জ্ঞান বুদ্ধি সকলি কি
লোপ হলো তোর ? একেতে বুঝিস্ আর !
ভালতেও করিস্ সংশয় ; ওলো সই,
স্বপ্নযোগে দেখিয়ে তোমায়, অজরাজ
একবারে হবেন বিহ্বল, তার পর,
আমার কৌশলে, সরস্বতী নীরে ত্যজি
নশ্বর শরীর, অচিরে অমরাপুরে
হবেন উদয় ।

হরিণী ।—

সখি ! কাজ নাট তায় ;
মর্ত্যালোকে চিরদিন থাকুক সে জন,
কাণে তবু শুনিব কখন, কুশলেতে
রয়েছেন আমার সে জন !

রতি ।—

পাগল কি

হলি তুই ? সই, হেমন্তে ত্যজিয়ে জীর্ণ
বুক, ভুজ্জ্ব বসন্তে যথা, নব বলে
হয় বলীয়ান্, নরদেহ সেইরূপ
ত্যজি অজরাজ, শোভিবেন দেবরূপে
দেবের সমাজ ।

হরিণী ।—

সখি, এ আশ্বাস মোর

পক্ষে নিশির স্বপন ।

রতি ।—

হরিণী লো, তোরে

নিয়ে পড়েছি কি দায়, মানুষের সঙ্গে
থাকি থাকি, পেয়েছিম্ তুই সেই
মানুষ-স্বভাব ; ক্ষীণদৃষ্টি মানুষের
মত, কিলো, ভবিষ্যতে অন্ধ তুই হ'লি
একবারে ? উঠ, সখি, চল ঘুরা করি,
মঙ্গলার ফললাভে করি গে উপায় ।

ঝাঁঝিট—একতালা ।

উঠ লো হরিণী, হয়ে উল্লাসিনী,

আনন্দ মন্দিরে চললো চল ।

বিষাদ ভুলিয়ে, আমোদে মাতিয়ে,

যৌবন-গরবে হইয়ে চল ।

বিষাদ-রজনী, আজি রে সজনি,

দেখিতে দেখিতে হইবে ভোর ।

মলিন অধরে, নবীন নধরে,

হাসির আলোক খেলিবে তোর ।

কর' না ভাবনা, পূরিবে বাসনা,

ধরার সুখ কি অমরে নাই ।

আজি রে ফণিনী, পাবে তারা মণি,

কলপমূলেতে মিলিবে সেই ।

তৃতীয় অঙ্ক ।

দ্বিতীয় দৃশ্য ।

ত্রিদেবের একপ্রাস্ত ।

(অজ একাকী আগীন ।)

(গান করিতে করিতে উৰ্বসীর প্রবেশ ।)

সুরট-মল্লার—আড়াঠেকা ।

সে দেহ সুমমা-রাশি পঞ্চভূতে মিশি গেছে,
হে বিদেশি, তার আশা কেন আর কর মিছে ;
অনরে মুকতা-পাঁতি, নয়নে অরুণ-ভাতি,
অলক্ত অধর দিয়ে নব প্রবাল গড়েছে ।
মোহন বদন ছাঁদে, গড়েছে শরত চাঁদে,
কুন্তলেতে কাদম্বিনী, ভুজে মৃগাল হয়েছে ।
চরণেতে শতদল, হৃদয়ে দাড়িম্ব ফল,
করেতে চম্পককলি, কপোলে গোলাব রচেছে ।

উৰ্বসী ।—

হে বিদেশি ! কেন বসি একাকী এখানে,
জ্ঞানমুখে ? উঠ ত্বর, উঠ প্রিয়তম,
মনের উল্লাসে, চল ত্বর সস্তাষিতে
দেবেন্দ্র-মহিষী ।

অজ্ঞ ।—

একি সেই নয়নের

ধাঁধা ? হায়, প্রাণান্তেও ত্যজে না স্বপন !

উর্সনী ।—

হে বিলাসি ! কি বলিছ প্রলাপ মতন,

স্বপ্ন কোথা ? দেবেন্দ্রাণী শচীর আদেশে,

আনিয়াছি লইতে তোমায়; সখী বলি

জেন সঙ্গিনীরে ।

অজ্ঞ ।—

হে সুন্দরি ! সত্যই কি

দেবেন্দ্রাণী এত দয়াবতী মোর প্রতি ?

কিস্বা তায় নাহিক সংশয় ; হীন জনে

উদারতা, মহতের রীতি চিরকাল ।

(উত্থান ।)

উর্সনী ।—(পথ দেখাইয়া)—

এস, সখে, এই পথে পথে ।

অজ্ঞ ।—(কিছু দূর যাইয়া)—

একি, সখি!

সতনা হইল কেন হেন ভাবান্তর ?

শোক দুঃখ যত ছিল, হলো বিদূরিত ;

পশিলেম যেন চির সুখের নাগরে !

সখি, শুনিয়াছি নন্দন-কানন-কথা

ঋষিমুখে,—শোক, ক্ষোভ থাকে না তথায়,
সদা আনন্দ উৎসব ; কৃপা করি কহ
শশীমুখি ! এ কি সেই স্বর্গীয় উদ্যান ?

উর্ধ্বনী ।—

কেন সখে ! দেখেও কি পার না বুঝিতে ?
দুখ-ভরা ধরার মতন, নাই হেথা
প্রার্ট, শিশির ; বনস্তের চিররাজ্য ;
টলে না কুমুদল ; খসে না পল্লব ;
নিশিতে ও ফুটে পদ্ম ; কুমুদিনী দিনে ;
দেব বক্ষ গন্ধর্বে কি কাজ, পশু পাখী
রক্ষ লতা চেতনাচেতন, প্রেমমন্ত্রে
সবাই দীক্ষিত ;

অই দেখ সস্তানক
বাহু প্রসারিয়ে, ফুলময়ী মাধবীরে
সাধিছে কেমন ! আর একই কুমুমে,
ভৃঙ্গ ভৃঙ্গী, মনোরঞ্জে, মধুপান করি,
কেমন সুখেতে, দেখ করিছে গুঞ্জর !
কুমুদার এ দিকে আবার, স্পর্শ সুখে
মুন্ধনেত্রী মৃগীর শরীর, অগ্রশৃঙ্গে
ধীরে ধীরে করে কণ্ঠয়ণ । আর দেখ,
পদ্মগন্ধি সুশীতল সলিল গণ্ডুষ,
গজ মুখে গজ-প্রিয়া দিতেছে ঢালিয়ে

রসভরে । হেথা চক্রবাক, অর্দ্ধভুক্ত
 পদ্মনাল ধরি, কত যত্নে বধুমুখে
 করিছে অর্পণ । গীতশ্রমে স্বেদবিন্দু
 হয়েছে উদয়, তায়, পত্রলেখা কিছু
 উদ্ভাসিত, পুষ্পাগবে বিবল নয়ন
 কিন্নরীর বদন-কমল, অই দেখ
 কিম্পুরুষ চুস্থিছে কেমন ; কত আন
 দেখিবে দুজন, সখে, নন্দনে আনন্দ
 অনুক্ষণ, প্রেম ছাড়া নাই হেথা কথা ।

(২য় গৌণ দৃশ্য ।)

উল্লসী ।— সারাহের শুক্রতারা বলিতে যাহারে,
 মিথ্যাকথা ! সে আমার অনুরাধা নই,
 অই দেখ, জ্যোতিষ্ময়ী বসিয়া এখানে,
 লোক হিতে নদা অনুরত, দিবা অন্ধ,
 তিমির গ্রাসিলে ধরাতল, সখে, ইনি
 প্রতিদিন প্রদোষেতে হইয়ে উদয়,
 ক'রে দেন জীবলোকে দৃষ্টি চলাচল,
 আর, শান্তি কোলে ঘুমালে জগৎ, শেষে
 নিশীথে চলিয়া যান পতি নন্দিনান ।

(৩য় গৌণ দৃশ্য ।)

উল্লসী ।— প্রিয়তম । চিনিলে কি'কে বলি এখানে,
 • ভোগাদের উষার সে সুখ তারা এই,

আমাদের রত্নবতী স্বাতী, অনায়াসে
 নিশি শেষে ত্যজিয়ে প্রাণেশে, এই আসি
 উষা-শিরে হলেন উদয়, ভ্রাস্ত্র জনে
 জানাইতে পস্থা পরিচয়, নাই সেই
 আরক্তিম উজ্জ্বল বরণ, পাণ্ডুবর্ণ
 হয়েছে কপোল, তথাপি কেমন, দেখ,
 হাসিতে মৌক্তিক করে, কাঁদিতে কাঞ্চন ।

(৪র্থ গৌণ দৃশ্য ।)

অজ ।—(চমকিত)—

উকানী ।—

প্রিয়তম ! কেন হেন হলে চমকিত !
 নয়ন কি ধাঁধিল তোমার ? এর কিছু
 নব নয়, স্থলভেদে দেখ অন্তরূপ ;
 ক্লান্তিকা, রোহিণী আদি করি, শশাঙ্কের
 অঙ্কশায়ী রূপসী সকলে, এইখানে
 মিলায়েছে রূপের বাজার ; কেহ নাচে,
 কেহ গায়, কেহ মত্ত শীধু পান করি,
 কেহ তুলি কুমুম সস্তার, ফেলি দেয়
 হাসি হাসি অপরের গায়, কেহ আনি
 চন্দ্রশি লুকোলুকি করে, কেহ কেড়ে
 লয় তাহা ; বিপুল যৌবনমদে মাতি,
 কেহ বা চলিয়ে পড়ে নীরদ শয্যায় ;

অজেন্দু মতী ।

কেহ আসি পুনর্বার কোলে তুলে তার ;
এই রক্ত নিত্য নিশাকালে, ক্ষণদৃষ্টি
মানুষ সকলে, ইহাকেই ছায়াপথ
বলে ।

(৫ম গৌণ দৃশ্য ।)

উর্ধ্বসী ।—

এই সখে, তোমাদের উদীচ্যের
ধ্রুবতারা, আমাদের অরুন্ধতী সতী,
জ্যোতিষ্মতী সূর্য্যের মতন, সপ্তর্ষি
মধ্যে বিরাজিত, ঘুরিছে তারকা, পৃথ্বী,
ঘুরিছে জগৎ, গ্রহ উপগ্রহ যত
নিষ্ক কক্ষে করিছে ভ্রমণ, কিন্তু সতী
সতত অটল, কার সাধ্য পদমাত্র
করিবে স্থলন, পৃথ্বীতলে নরনারী
উপদেশ তরে, নিত্য নিশাকালে সতী
হইয়ে উদয়, সতীত্ব-মাহাত্ম্য লোকে
করেন কীর্তন ।

চতুর্থ অঙ্ক ।

প্রথম দৃশ্য ।

অমরাপুরী—নন্দনের এক প্রাস্ত ।

(একটা অপ্সরার গান করিতে করিতে প্রবেশ)

বেহাগ—কাওয়ালী ।

লজনী রজনী আজি নাধিছে কাহায় ?
গগনে খেলিছে শশী, মেঘ সনে মিশি মিশি,
ফুটন্ত তাবকা রাশি জগত হাসায় !
নিঃস্বপ্ন জন মানব, নীরব যেন নিজীব,
কেবল ঝিল্লীর রব জগত জাগায় !
মধুর মলয়ানিল, চুমি চমি ফুল দল,
ফুটায়ৈ কোরক জাল মাতিয়া বেডায়—
ভাবুক পাদপগণে, নীরবে কার চরণে,
অর্পিছে কুমুম ভার, চিন কি তাহায় ?

(অপর অপ্সরার প্রবেশ)

২য় ।

এত দ্রুত চুপি চুপি,
আজ কোথা তুই যান্ লো নৈ ?
দেখেও না দেখিস্ চেয়ে

(যেন) কোন কালে চেনা নই ।

১মা ।

গিরিশিরে, নাগর তীরে,
বনের ধারে লোকের মাঝ,
আগুন জলে তুচ্ছ করি,
রচি সদা শচীর সাজ ।

২য়া ।

কি কি তাহা বলি দেনা ?

১মা ।

কেন তাহা নাই কি জানা !

সুখ তারার আগে আগে,
উঠি আমি সকাল বেলা,
ফুলের দলে, ঘাসের আগে,
গাথবো কত মুক্তা-মালা ।

২য়া ।

উলুবনে মুক্তা ফেলা,
তবে কিলো এত ছালা !

১মা ।

ও লো সখি রঙ্গ রাখ্,
সঙ্গে এসে চেয়ে দেখ্,
তাড়াতাড়ি এখন হব
কুমুম-বনে উপনীত,
কাঁটার ছালা সয়ে সয়ে,
ফুলে ফুলে সাধব কত !—
গোলাব, বেলী, কুন্দকুলি,
টগর, যুধি চাঁপা, কাশ.
একে একে সবার মুখে

ফুটাইব মধুর হাস !
 তাহার পরে অগ্নি গিয়ে,
 গন্ধবহে আন্ব ডেকে,
 স্মৃগন্ধ না বিদায় হ'তে,
 জাগাইব শিলীমুখে ।

২য়।

তাই সেই হলো যেন,
 এতেই বা এত কেন ?

১ম।

বলিন্ কিরে ওরে সখি,
 শচীর রুচি জানিন্ নাকি ?
 আবার গিয়ে কুঞ্জবনে,
 পিক, পাপিয়ে বুলবুলিতে,
 শ্যামা, দয়েল, ঘুঘুর সনে,
 বলে দিব তান ধরিতে ।

তাহার পরে ছুপুর বেলা,
 পুকুর জলে দিব ঝাঁপ,
 জাগাইব কমল দলে,
 পরশিয়ে রবির তাপ ।

২য়।

ওলো সখি ধন্য তোরে,
 কোন্ জনে বা এত পারে ?
 আমি জানি, শচীর সখী,
 নাহি যেন কেমন সখী ।

১ম।

ওলো সখি, দুঃখ বিনে

মুখ কোথা এ ত্রিভুবনে ?
 ওতো গেছে দিনের খেলা ;
 আবার গিয়ে সন্ধ্যাবেলা,
 একে একে আকাশ তলে
 মিলাইব তারার মেলা,
 চাঁদের কল্প গণে গণে,
 এক স্থানেতে স্থির করিব,
 চকোরীরে তত্ত্ব দিতে
 তাড়াতাড়ি ছুটে যাব,
 নিশিগন্ধা মালতীরে,
 হাসির রাশি ঢেলে দিব,
 চাঁদের আলো ধরি ধরি
 কুমুদ-কলি ফুটাইব ।

২য়। তবে সখি চল্ লো চল্,
 কত কাল আর থাকবি বল্ ।
 এখন গিয়ে কুমুম বনে
 ঘুমে থাকি বোনে বোনে ।

১ম। ওলো সখি তোর কথাতে,
 আকাশ যেন পেলেন হাতে ।
 গান করিতে করিতে উভয়ের প্রস্থান ।

বেহাগ—আড়াঠেকা ।

সুগভীর নিশীথিনী, নিদ্রিত স্তব্ধ মেদিনী,

শান্তির কোমল কোলে সব অচেতন ।

নিরাশা, আশা, উৎসব, জয়োল্লাস, পরাভব,

একই সিন্ধু-সলিলে হয়েছে মগন ।

শ্রান্তি অস্তে শান্তি যোগ, রোগ শেষে স্বাস্থ্য ভোগ,

এমন স্মৃতি কেবা করিল স্থাপন ।

এস নিদ্রা সহচরি, তোমাতে হৃদয়ে ধরি,

শ্রান্তির যন্ত্রণা যত হব বিস্মরণ ।

[প্রস্থান ।

চতুর্থ অঙ্ক

দ্বিতীয় দৃশ্য ।

শচীর বিলাসকুঞ্জ ।

অপ্সরাদিগের সহিত শচীর প্রবেশ ।

শচী ।—

এস সখি চিত্রলেখা, য়তাচী, উর্কনী,
মিশ্রকেশী, তিলোসুমা, রস্তাবতী, রতি,
আর যত রূপসী আমার, কোন সখী
থেক না পশ্চাৎ ; এস তবে, অনুরোধ
না মানি কাহার, নন্দনে মিলাব আজি
আনন্দের হাট ; কেহ গাও, নাচ কেহ,

কেহ তুল কুমুমসস্তার, কেহ গিয়ে
কোরকের কীটগুলি করহ উদ্ধার ;
কেহ বা কর্কশকণ্ঠ পেচকেরে কুঞ্জ
হ'তে কর দূরীভূত ; বিরূপ বাতুড়
সহ, সহ, কেহ গিয়ে বাধাও বিবাদ !

উর্কসী ।—

ঝাঁঝিঁট রাগিণীতে ।

(অস্তুরা)

চিত্রিত ভুজগ বিস্তারি রসনা,
সজারু কণ্ঠকৌ দিও না দেখা.
বেঙ, বিছে কেহ নিকটে এ সনা,
দেবেন্দ্রাণী শচী আছেন একা !

(কোরাস)

বুলবুলি রসময়,
গাও সুখে সুধাময়,
সুধা সুধা সুধাময়, সুধা সুধা সুধাময়,
ত্যজ ছল, ত্যজ মন্ত্র, ত্যজ বল,
এস হেথা এ সময়,
গেয়ে গেয়ে সুধাময় !

রতি ।—

(অস্তুরা) ••

বাও উর্গনাভ পাতিও না জাল,
আর তন্তুবায় থেক না হেথা,

পোকা মাছি কেহ ক'রনা জঞ্জাল,
পতঙ্গ শব্দক তুল মা মাথা !

(কোরাস্)

বুলবুলি রসময়,
গাও সুখে সুধাময়,
সুধা সুধা সুধাময়, সুধা সুধা সুধাময়,
ত্যজ চল, ত্যজ মন্ত্র, ত্যজ বল,
এস হেথা এ সময়,
গেয়ে গেয়ে সুধাময় ।

শতী ।—

তইয়াছে, মনোগত হয়েছে সকল,
তোমরা এখন সখি করিয়ে কৌশল
তরিনী অজেরে ত্বরা আন কুঞ্জমাঝে,
নাড়াইয়া দেব সম মনোরম নাজে ।

উর্দসী ।—

আয় তোরা কে কে যাবি ত্বরা আয় নামি,

রতি ।—

আমি নই,

তিলোসুমা ।—

আমি নই,

ঘতাকা ।—

আমি নই,

রস্তা ।—

আমি ।

মেনকা ।—

দাঁড়া দাঁড়া, আমি সহি, যাব স্তোর সনে

শচী ।—

সাবধানে এন সেই মনুজ রতনে,
 হাঁটিতে কুমুম জাল ফেল পথে পথে,
 কটাক্ষ ইঞ্জিতে সবে নেচ সাথে সাথে,
 খেতে দিও বিশ্বফল, দাড়িম্ব মধুর,
 আঙ্গুর, ডুম্বুর জম্বু রসাল খর্জুর,
 মক্ষিকার মধুক্রম করিয়ে হরণ,
 পিপাসা-লালসা তাঁর করিও বারণ,
 রজনীর অঙ্ককার নিবারণ তরে,
 খাদ্যাৎ জোনাকীগণে নিও সঙ্গী ক'রে,
 চন্দ্রিকার আলো যদি বিঁধেলো শরীরে,
 কুন্তলে ব্যজন তারে করো ধীরে ধীরে ।

(গান করিতে করিতে অঙ্গুরাদিগের গমন ।)

সিন্ধু — দাদা ।

আয়লো সখি, বিধুনুখি,

ভ্রমরারে ডেকে আনি,

শশীর আদরে, প্রোমের চাতলে,

ফুটিয়াছে ফুলরাণী ।

কুমুম সৌরভ, যৌবন বৈভব.
 ঢাকে কেবা হীরাখনি,
 করিয়ে যতন, করিব মিলন,
 ফগিনীরে হারা মনি !

(অজ ও হরিণী সহ অপ্সরাদিগের গান করিতে করিতে
 পুনঃ প্রবেশ ।)

পিন্দু-কাশ্মিরী খেমটা

গাঁথ মালা যত বালা
 কুমুম কলি দিয়ে দিয়ে,
 ফুল সনে ভ্রমবাবে
 আজি সখি, দিব বিয়ে ।
 ফুল কুলে, আন তুলে,
 গাছে গাছে চেয়ে চেয়ে,
 মধু লোভে মধুকর,
 ছুটে যেন ধেয়ে ধেয়ে ।
 দেহ সবে ছলছলি,
 প্রেম গাথা গেয়ে গেয়ে ।

শাটী :—(অজের প্রতি)

সুপ্রসন্ন তব প্রতি আমি হে মনুজ ।
 তোমার আচারে : রেখেছ অতুল কীর্তি
 মনস্ত ভবনে । হে প্রেমিক ! আজি তার
 সমুচিত প্রতিদান করহ গ্রহণ ;—

লভিয়ে দেবত্ব, দেবতা গন্ধর্গ সহ
 করত বিহার সদা অমরা নগরে ;—
 পৃথিবীর জরা মৃত্যু নাহিক হেথায়,
 নাহি সে বিচ্ছেদ-ছালা, নাহি রোগ শোক
 সূচির বোবন হেথা, সূচির বোবন ;
 মিলন সূচির, কলঙ্কের নাহি হেথা
 ভয়, ভুঞ্জত স্বর্গের সুখ, হে বিলাসি !
 মঞ্জুকেশী অপ্সরার সহ চিরকাল,
 ত্রিদশ নিবাসী সম নির্ভয় অন্তরে ।
 তব ইন্দুমতী, অজ, ছিলনা মানুমতী ;
 বরারোহা হরিণী রূপসী, তৃণবিন্দু-
 অভিশাপে মর্ত্যালোকে লভিলা জনম,
 সেই হেতু হয়েছিল গৃহিণী তোমার ;
 শাপান্তে হরিণী, দিব্য-কুমুদ সঙ্কমে,
 ত্যজিয়ে মনুষ্য দেহ কুৎসিত আকাব,
 পশিল ত্রিদিবে পুনঃ লভিয়ে স্বরূপ ;
 কিন্তু, মনঃ তার মরত ভবনে, স্বর্গে
 স্মৃ ক'য়া-ছায়া, তাই প্রণয়ী বৃগল,
 প্রণয়ের সমুচিত লভ পুরস্কার ।

(চন্দ্রে চন্দ্রদান ।)

আয় আয় আয় যত সখী গণে মিলি,
 নাচ গাও আনন্দেতে দেও হৃদয়-হুলি ।

উদ্ভগী ।—

ধন্য ধন্য তুমি ওহে ভাগ্যবান্
 এ জগতে তুমি মানব প্রধান,
 দেবত্ব লভিয়ে দেবের সমাজ,
 দেব সম সদা করহ বিরাজ,
 থাক চির সুখে, ভুলহ বিমাদ,
 অপরা সকলে করে আশীর্বাদ ।

রচি ।—

আয় সখি আয়, আয়লো সকলে,
 চল চল হবে নিকুঞ্জ মাঝ,
 মানব দম্পতী সুখেতে ঘুমাবে,
 রচিগে সাধের বাসর সাজ ।

তিলোত্তমা ।—

আয় আয় তুলি পল্লব নবীন,
 কোমল কামিনী, গোলাব দল,
 নব নব তৃণ, নবীন মৃগাল,
 নবীন গাছের সোহাগ ফল ।

স্বতাচী ।—

শুক শিখী শ্যামা কোমল পালক,
 আনলো স্বরিতে আনলো সখি,
 কোমল পলকে রচিয়ে শয়ন,
 কুমুম পরাগ দেওলো মাখি ।

অজেন্দু মতী ।

রম্ভা ।—

কুললয় আনি রচ উপাধান,
শিবীষ কুম্ভুম মিশাল দিয়ে,
নতুবা কপোলে বাঁধিবে কঠিন,
হরিণী সখীর দহিবে হিয়ে ।

উর্দ্ধনী ।—

লতিকা সখীরে অতি সাবধানে,
কুম্ভুমে গাজিয়ে আনলো হেথা,
ছিড়না প্রবাল, দলিওনা কলি,
কুম্ভুমেয় প্রাণে দিওনা ব্যথা !

বতি ।—

লতা লজ্জাবতী সলাজ বদনা,
সুবর্ণ-লতিকা লাবণ্যময়ী,
ভুষণ ইহারা কখনো পরেনা,
কাকাল ভাবিয়ে ত্যজনা নই ।

হিলোত্তমা ।—

কণ্টকী বেতসে করিওনা স্থগা,
মাধবী সখীরে আনিও সাধি ।
এ দৌহার সখি বড় গুণপনা,
হাতে হাতে এঁরা দিবে লো বাঁধি,

স্বতাচী ।—

মন্দাকিনি ! সখি কুল কুল সুরে,

নিবাহ-মঙ্গল গাও লো আসি,
 নিল্লী বিনোদিনী সাজিয়ে ভূষণে,
 নাচের তরঙ্গে ভাঙ্গাও দিশি ।

রস্তা ।—

সাজিতে সাজিতে দেখলো সজনী,
 বুঝি লো রজনী হইল শেষ,
 যতই সাজাবি, চাহিবে সাজাতে,
 তোর মনোগত হবেনা বেশ ।

উর্দূসী ।—(অজ্ঞকে সস্তামণ করিয়া)

এস এস এস এস প্রিয়তম,

রতি ।—

হরিণী সখীর মাথার গণি,

তিলেত্তমা ।—

নবীন গাছের একই কুসুম,

হুতাচী —

ভিখারী জনের হীরার খনি ।

রস্তা ।—

দ্বিতীয়ার শশী, নিদাঘ ভাস্কর,

হংসীর মণ্ডলে মরালরাজ ।

উর্দূসী ।—

এস এস এস এস নরবর !

রানের বাসরে কিনের লাজ !

রতি ।—

নাই হেথা সখে, জরামৃত্যু শোক,

তিলোত্তমা ।—

নাই হেথা সখে ! বিরহ-ভয়,

স্বতাচী ।—

নাহি সে বিষাদ মূরতি ভীষণ,

রম্ভা ।—

সকলি হেথায় আনন্দময় ।

উর্কসী ।—শশধরে হেথা নাহি কলাঙ্কয়,

রবির করেতে দহে না কায়,

টলে না কুমুম, খসেনা পল্লব,

শিশিরেও বহে মলয় বায় ।

রতি ।—

চপলা হেথায় হাসে না ক্ষণেক,

মধুক্রমে নাই বিবের ছালা,

পাণিয়া, কোকিল ডাকে বার মাল,

চরণে ফুটে না ধরার ধূলা ।

তিলোত্তমা ।—

রমণী যৌবন নহে গুণ্ডধন,

নাহিক হেথায় কলঙ্ক-কাল্পী.

স্বচ্ছন্দ আচার, সফল বাসনা,

স্বাধীন কুমুমে স্বাধীন অলি ।

স্বভাটী ।—

ছাদে দেখ্ তোরা দেখ্ লো সকলে,
হরিণী অজেতে শোভিছে কিবা,
রতির মদন বুঝি লাজ পায়,
হেরিয়ে এমন রূপের বিভা ।

রহস্য ।—

সাধে কি হরিণী পড়িয়াছে ফাঁদে,
সাধে কি স্বরগে নাহিক মতি,
সাধে কি দেবতা দেখে না নয়নে,
সাধে কি মানুষে এতেক প্রীতি !

উর্ধ্বগী ।—

হরিণী সখিলো খে'ক সাবধানে,
রতি খে'জে সদা হারান ধন,
করে যদি শেষে অভাব সম্বল,
জানিনা কাহার কেমন মন !

১।৩ ।—

অজিকে সদাই হলিকি পাগল,
নরের মোহন মাধুরী দেখি,
মানুষের প্রীতি এত মধুময়,
আগেতে এমন জানিনা সখি !

স্বভাটী ।—

অন্যে কিবা সখি জানিবে তাহার,

যে মজেছে, সেই জানেলো ভালো,
 আঁধারের সুখ জানিনা কেমন,
 ত্যজিয়ে শরদ চাঁদের আলো !

তিলোত্তমা ।—

সে কি বল নই, সে কেমন কথা,
 মানুষের প্রেমে এত মধুরতা,
 মানুষের সঙ্গ এত সুখময়,
 এমন সুখদ মানুষ আলয়,
 মানুষ শরীর এমন সুন্দর,
 মানুষ-লাবণ্য এত মনোহর,
 আগেতে সখীরে মুহূর্তের তরে,
 জানিতাম যদি আকার প্রকারে,
 মানুষী হইয়ে মানুষের সনে,
 থাকিতাম সদা মানুষ ভবনে,
 মানুষের মত জরা মৃত্যু শোকে
 ভুগিতাম নই, পলকে পলকে,
 মানুষের মত বিরহ-ব্যথায়,
 হতেম সখীরে, সস্তাপিত কায়,
 মানুষী মতন অধীন-শৃঙ্খলে,
 থাকিতাম বাঁধা প্রেমিকের গলে,
 থাকিতাম চেয়ে প্রাণেশের মুখ,
 দেখিতাম তায় আছে কিবা সুখ,

মানুষী মতন বালিকা বয়সে,
 কলিকা সমান থাকিতেম হেসে,
 যৌবন উদয়ে গৌরবের ভরে,
 ফুটিতেম সই মুহূর্তের তরে,
 দেখিতে দেখিতে যৌবনের ছায়া
 হ'লে অস্বপ্নিত, ধরি ভিন্ন কায়া,
 ত্যজি রঙ্গরঙ্গ বিভ্রম বিলাস,
 বিগর্জি তখন জীবনের আশ,
 নিত্য মৃত্যু ভয়ে গণিতাম দিন,
 দেখিতাম তায় কি সুখ নবীন !

হরিণী ।—

তিলোত্তমে ! হরিণীরে করত গার্জ্জন,
 স্বর্গে মর্ত্যে তুলনা কি সম্ভবে কখন ?
 তবু সখি ! মনে মনে দেখহ বিচারি,
 প্রণয়ের রীতি এই আপনা পাশরি,
 আপন পরাণ নাহি দিলে অন্য জনে,
 অপরের প্রাণ সখি ! পাইবে কেমনে ?
 প্রেমিকে প্রেমিকে নদা অভেদ অন্তর,
 অধীনতা প্রণয়ের নিত্য সহচর,
 মোটা কথা ওলো সই নাই কি স্মরণ,
 দুখের পরেতে সুখে নস্তোষ দ্বিগুণ,
 দুখেতে বাড়ায় সুখ, সুখে সুখে দুখ.

বিরহ নছিলে নখি মিলনে কি সুখ ?
 দেবতা মানবে নই, রূপের তুলনা,
 পায় পড়ি আর তুমি, ক'র না ক'র না,
 একের নিকটে যাহা কুৎসিত কঠোর,
 অপরের কাছে তাহা সুখদ সুন্দর,
 কুরূপ সুরূপ সদা কহে মূঢ় জনে,
 রূপের লহরী নিজ নয়নের কোণে,
 আর নই, প্রণয় কি যৌবনেতে বাঁধা,
 যৌবনের মধু স্রুধু নয়নের পাঁধা,
 প্রকৃত প্রণয় মণি হৃদয়-কন্দরে,
 থাকে সদা সমভাবে বার্কিক্য কিশোরে,
 স্ত্রবির, যুবক হয় প্রেমিক নয়নে,
 কি কাজ নখিরে তার অনন্ত যৌবনে ?

(,সকলের গান ও নৃত্য)

পরজ-কালিঙা—একতাল।

আয়লো সকলে,
 বোনে বোনে মিলে,
 আনন্দমাগরে ভাসিয়ে যাই ।
 পরম যতনে,
 মনুজ রতনে,
 ঘেরিয়া ঘেরিয়া নাচিয়া গাই ।
 কামের কাম্বুক,

দিতে লো যৌতুক,
 যতন করিয়ে আন লো ভাট ।
 এন লো সজনী,
 থাকিতে রজনী,
 সুখের বানর রাঁচিতে চাট ।

• সকলের প্রশ্ন

যবনিকা পতন ।

সম্পূর্ণ ।

